

72391

民國肇縣志

鞏縣志卷六

邑人劉鎮華鑒定

邑人 劉蓮青 纂輯

張仲友

邑人劉鎮海參閱

固始萬自逸警校

民政志

一邑之宰與民為最親其秉乎甲令而出治為良為楛則民之好惡從違繫焉已酉志有建置志風俗志物產志建置者則封人設社稷之壇封其四疆以造邦邑之都域風俗者則師氏三德三行之教以教國子弟物產

鞏縣志卷六

民政 建置

一 經川圖書館刊

者則載師任土以物地事授地職又有學校志選舉志則鄉大夫考德行察道藝三年大比獻書因以興賢與能要皆綜之於司徒所謂施教灋於邦國都鄙使之各以教其所治民也是五者最切於民然其成書也去今百有餘年矣天運恆數十年百年而變況世事之糾紛迫迨乎曰電曰路固前此之所未有因轉輸之利而實業以興有馳情域外之觀焉亦非僅究物產者之以四境自封也最大者則科舉廢而為學校間塗固異於疇曩然邑之樸厚成風實歷千百年而未易者故於己酉志之風俗物產建置選舉因其迹而續之於學校則劃新舊而二之一以紀往

迹一以標新型而增交通實業二者以志民政
建置

縣治

縣治在隴海鐵路北南距火車站里許西北距舊城里
許北臨東站位於岡阜上地名鰲嶺民國十七年徙此
東站者在舊縣東門東街之東以舊縣得名也舊縣東
瀕洛地窪下洛漲輒灌城重爲隄防積潦不得洩外鬻
內漢浸成澤國不得已築防城內以橫梗之而患不可
救止舍舊謀新亦應時勢之需要也縣政府暫假新建
高等小學校治事位於正街鳩工庀材正事興築文廟
在縣政府東初成大殿監獄在縣政府西

舊城

新治掘建經營規畫甫有其基縣之各公共局所人員
日抱贖赴公府治文書近則仍厥居則舊城暨各機關
及其他一須詳載已酉志 舊誌鞏縣周圍七里

四十八丈高二丈濠塹深八尺明景泰六年縣丞趙昇
修築成化十一年知縣柯忠重修正德七年流賊攻燬
分巡道翟鎬督修之嘉靖二十二年水復滄頽知縣周
泗增修萬歷十三年分巡道丁惟寧檄加磚石知縣李
再思汪本英後先修完周圍角樓三座窩鋪墩樓三十

座門五座東曰迎恩西曰瞻洛南曰玉川又曰望嵩北
日納洛其一小東門蓋舊城東門卑下一遇黃河水漲
則浸滄入城四十年知縣程宇鹿擇城垣高處另開一
門又築土堤五百丈以衛城腳樹鞏簡公甸坊一座與
新門對峙城上建磚石高樓一座沿城加修迥異前制
至崇禎十年知縣宋文瑞復增高五尺越癸未流寇攻
陷傾圮者無數清順治六年知縣徐樑修補康熙二十
年知縣蔣徵猷復加磚石增修四十八年六月大雨連
旬山水陡發洛水暴漲城幾傾覆東門逼近洛河每遭
水患知縣多時琦於甕城圈門兩邊砌石制閘水不得

鞏縣志卷六

民政 建置

三

經川圖書館刊

入乾隆九年四月知縣邱軒昂奉文重修城垣以工代
賑縣丞陳之煥典史王釋如監生李丕昌劉鴻誠趙桂
萼生員姜公溥張鞏劉世馨僧生劉王卿董鈺同督工
二十七年四月東城外河水淤墊城水不能宣洩知縣
高兆煌於東門迤南北開設涵洞二處藉疏疏水庠生
趙德恆等督工

自舊縣門大街直至迎恩門過柳巷至東站爲東街自
觀音堂南下出望嵩門外過南關至舊八蜡廟爲南街
自南街之中稍折關王廟出通函門外西關至社稷壇
爲西街自縣後玄帝廟一帶爲北街其餘雲路街學巷

街獅子街現十八浸於水僅留西南一隅採訪

舊縣署

己酉志曰舊志縣署建置始於西漢見學校志元至正至明宣德迭遭水患乃移今址嘉靖癸丑六月霖雨連旬城郭民舍蕩然無存知縣周泗請於葛郡伯重修崇禎癸未逆闖破城盡遭焚毀順治癸巳知縣陳朱垣重建大堂後堂各三間東西六房十間縣廨一所三層高樓五間譙樓儀門聖諭坊架閣庫後譙樓傾圮康熙二十年秋知縣蔣徵猷重修四十八年大水入城東西六房並照壁圍牆盡行傾圮知縣多時琦重修乾隆五十四年譙樓破壞知縣李述武重修

鞏縣志卷六

民政

建置

四 經川圖書館刊

光緒二十七年清帝回鑾知縣史宜詠重修公署作行官地基增培四尺煥然一新民國七年洛漲灌城署中廨宇案卷概歸淹沒知事毛龍章移住南街東周書院暨考院舊址採訪

典史署 在舊縣署東久圮後僦民房以居

學署 廨舍久圮借居敬業義塾又改義塾爲公款局城守營 在舊城南街路東改建爲女學校

巡檢司 在黑石關久廢

陰陽學

醫學 俱明洪武年建久廢

僧會司 在石窟寺久廢

道會司 在盧醫廟久廢

察院行臺 在舊城東大街路南後改建倉廩久廢

布政分司 在舊城東街路北久廢

按察分司 在舊城東街路北久廢

按明洪武十五年置府州縣按察分司以儒士王存中等五百三十一人爲試僉事人按二縣凡官吏賢否軍民利病皆得廉問科舉十六年盡罷試僉事二十二年改置按察分司爲四十一道當是設置分司

鞏縣志卷六

民政

建置

五

經川圖書館刊

試僉事時南署因試僉事旋罷遂以其署改爲按察司行署備其按臨耳

舊監獄 在舊城南街路西就常平倉改建

考院 在舊城南大街路西清末改爲高等小學校

東周書院 舊在舊城東街南隅道光三年避水患移

置考院之左

社稷壇 在舊城西門外久廢

風雲雷雨山川壇 在舊城南門外久廢

先農壇 在舊城東門外乾隆五十四年知縣李述武重修久廢

厲壇 在舊城北久廢

文廟 在舊城沒於水已在新治另建

忠義祠 在舊城縣署東民國初淹沒於水傾圮

節孝祠 在舊縣署東與忠義祠鄰民國初淹沒於水

傾圮

關帝廟 在舊城西門內路北

文昌宮 在舊城東門內路南

萬壽宮 在舊城西門內公款局斜對過久廢

城隍廟 在舊城南街文廟東淹沒於水傾圮

新城隍廟 在舊城南關路西係驛站故址現辦師範

鞏縣志卷六

民政 建置

六

經川圖書館刊

學校

旗纛廟 在舊城東門外久廢

八蜡廟 在舊城東門外乾隆二十六年圮於水知縣

高兆煌李述武迭經重修

盧醫廟 在東站西頭

金龍四大王廟 有二一在東站一在神堤

湯王廟 有二一在河南南渡舊志載廟北卽山麓係古

夏臺遺跡一在魯莊通志稱爲桑林禱雨處

子華子祠 在縣治東石臼泉明季焚爲焦土康熙初

重修督學張口口榜以束帛流風

杜工部祠 在東站

包公祠 在迴郭鎮

五里局 在舊城北街路東清季縣紳辦公所沒於水

女校舍 在舊城南街路東

高等小學校 在新治民國十二年建由旅陝政軍商

倉廩 各界集資八千元地丁加籌七千元現借作縣政府

舊廩房坐落舊城內東街文昌宮西久淪於水

舊常平倉二十四間順治丙申知縣張好奇建在舊縣署內譙樓東久廢

鞏縣志卷六

民政 建置

七 經川圖書館刊

新建倉二十六間康熙四十六年知縣王世興建在舊縣署內譙樓南久廢

餘倉三間雍正六年知縣茹林奉文建在舊縣署內譙樓南久廢

新常平倉三十間雍正十二年三月知縣季璟奉文建在舊縣署西久廢

新新建倉四十間雍正十三年知縣季璟奉文建在舊縣署東久廢

乾隆三年九月署知縣程志智奉文鋪墊新常平倉三十間新新建倉四十四間共七十四間久廢

驛遞

洛口驛 在舊城內驛馬三十二匹損遞等夫五十名
裁廢

在城舖 新店舖 七里舖 界石舖 任村舖

洛口舖 金溝舖 城西舖 今仍其名

兵防

演武場 在舊城東門外民快三百五十二名充城守

巡河巡鹽之用墩臺營房二座東十里舖西石河道
乾隆五年知縣張雷光奉文修二十七年東臺毀知
縣高兆煌重修

鞏縣志卷六

民政 建置

八

經川圖書館刊

操場 在舊城東南門外路西

學校新設操場 在舊城南門外路西

郵政

普濟堂 在舊縣署南雍正十二年知縣季璟奉文捐

修草房十間置義地六十畝坐落魯村嶺乾隆二十

六年房屋傾圮三十年知縣李天墀移建舊城南門

外草房十間五十一年知縣陳龍章重建久廢

育嬰堂 在舊城南關雍正十三年知縣季璟奉文修

建瓦屋四間久廢

冬生堂 在東站乾隆八年知縣王甲奉文修建久廢

養濟院 舊在舊城內東南隅明萬歷四十年知縣程
宇鹿置房五間順治丙申知縣張好奇康熙壬戌知
縣蔣徵猷重修乾隆三十年知縣李天墀移建舊城
南關五十年知縣陳龍章重修久廢

漏澤園 舊在縣西十里順治癸巳知縣陳朱垣於村
鎮大路傍立園數十所掩埋遺骸立石碑封記己亥
驛道程置地一區立義塚在縣五里堡

義塚

- 一在東站知縣蔣徵猷捐地一畝二分
- 一在五里保署知縣左繼儒捐地一畝

鞏縣志卷六

民政 建置

九

經川圖書館刊

- 一在洛口舉人曹鵬翊捐地一畝二分
- 一在迴郭鎮拔貢趙發慮捐地一畝二分
- 一在蘇村貢生王修身捐地一畝二分
- 一在迴郭鎮監生蕭永祚捐地一畝二分
- 一在羅莊監生李子希捐地一畝二分
- 一在蘇村監生魏紹祚捐地一畝二分
- 一在康店生員康日校捐地一畝
- 一在孝義生員李如松捐地一畝二分
- 一在黃冶生員劉雲漢捐地一畝
- 一在草廟山康如保捐地一畝

一在益家窩蘇更新捐地二畝以上從邱志
摘錄採訪

遺蹟坊凡三輩伯遺封坊在十里舖三田故里坊紫荆
遺蹟坊並在孝義舊城內坊四勸民坊在舊署東育賢
坊在舊儒學西遵化坊在舊城東街興教坊在舊城南
街科第坊二十五明時建進士題名坊在舊縣治左舉
人題名坊在舊縣署右蔡莊為蔡齊芝田為盧亞日狀
元日恩榮者六為周立為馬隆為趙迎為張璉為竇祥
皆進士為趙登舉人縣南魁樓前為趙應箕日叢桂為
康紹先日凌雲為趙迎日起鳳為崔遇日觀光為康偉
日光裕為宋鑑日鵬程為趙浩日天衢為竇祥日鶚薦
顯日昂霄為周道日冠倫為劉遜日重光為趙景星日

文魁

仕宦坊五明時建者為通政魏敏日通政為御史張璉
日繡衣為御史馬隆日豸繡為地封趙登第日恩榮為
知縣趙景星日崇祀別有義賑坊為馬羅周藩引禮官
魏進忠贈文林郎為蔡莊趙春亭清時建者日樂善好
施清易鎮為喬先生暨杜孺人七里舖為白玉順妻牛
氏民國建日榮褒者二為迴郭鎮馬砥堂暨李夫人貞
節坊明時建者六為常自省妻李氏孫繼祿妻杜氏生

員譚恩妻張氏生員劉麟妻韓氏生員喬政妻崔氏生
員蔡得景妻曹氏俱正德間因流賊死節清時二爲白
沙崔鵬翼妻劉氏儒童閻珣妻趙氏節孝坊清時建者
三十四舊城內爲張秀古妻李氏王溝爲趙青陽妻劉
氏白沙爲崔傑妻趙氏崔雲翼妻張氏稍柴務爲王鵬
萬妻黃氏益家窩爲陳光宗妻李氏霹靂爲董仁魁妻
楊氏堤東爲曹林渠妻龐氏西作村爲吳溫謙妻席氏
羅莊爲孫清純妻劉氏暨子樹德妻席氏孫坤妻魏氏
迴郭鎮爲李子龍妻段氏李子恭妻王氏馬昇妻李氏
蘇村爲李莊妻孫氏康店爲康榮聲妻石氏曹柏坡爲
曹文德妻劉氏裴家峪爲焦正儒妻魏氏焦灣爲張體
仁妻崔氏石板溝爲白錫璧妻孟氏白錫瑞繼室康氏
洛口爲曹東里妻劉氏灘小關爲王銘妻張氏七里鋪
爲曹承珮妻宋氏倉西爲李士海妻鄭氏南關爲劉紹
舉妻牛氏張生馨妻孟氏鰲嶺爲李宗元妻張氏水峪
溝一門三節爲李維由妻孟氏惟榮妻高氏彬妻李氏
南河渡爲薄克謨繼室劉氏神堤爲張懷妻禹氏孟大
有妻佚其氏柏圪墘爲張其才妻李氏小關鎮爲張書
啟妻王氏雙樓爲張爾敬妻吳氏張爾爵妻章氏石曰
泉爲張爾緒妻程氏民國建者四益家窩爲劉元愷妻

孫氏康店爲康道興妻王氏神堤爲張蔚宗妻馬氏羅口爲閻成業妻霍氏日節烈坊清時建者稍柴嶺爲路世傳妻劉氏康店爲康來遠妻謝氏日苦節坊寇家灣爲趙潤芳妻張氏核桃園爲李蘊妻翟氏在民國建者董陵爲張學泰生母章氏貞烈坊清時建者迴郭鎮爲趙甲木妻張氏烈婦坊半個店爲丁佚其名妻王氏日賢孝坊民國建者黃治爲劉錫有妻李氏別有雪冤死烈坊明季爲孫得盛妻張氏其在舊城內者道光間有節孝貞烈總坊姓氏並具節孝祠

諸堤

鞏縣志卷六

民政

建置

十三

經川圖書館刊

防水堤在縣治西南羅口村宋建衛陵防水

鞏洛新堤在舊城外北圍五百餘丈明參政楊俊民知縣韋以誠創立知縣程宇鹿重建久廢民國九年重築舊城北圍新堤

神尾堤在縣治北卽山盡處築障河流久廢

神堤堤長六百餘弓因洛泛濫堵防民國七年十月修築

季公堤在迴郭鎮西有石河乾隆二年霖雨爲患水自白雲山來者直入村落受其害者百餘家知縣季璟查賑畢率衆築堤民德之勒石於上日季公堤久廢民國

九年重修新堤

城內堤以舊城內水勢日漲除西南一隅外全淪於水
民國十年借上海工賑協會款築南北堤一道暫事保
護

護城新堤即倉西堤自舊城迎恩門起至倉西村西止
長約五里民國八年修築

蘇村堤地瀕伊洛屢遭水患民國七年興築長七里餘
南河渡堤

七里舖堤在洛河東民國十三年白鶴樓創修

清易鎮堤在鎮北民國十年知事毛龍章倡修立有紀

事碑

羅川渠在喂羊莊同治十一年村人閻文林張丑等開
鑿灌田二百餘畝

羅南渠在蔡莊喂羊莊民國元年趙玉田張欽然等倡
辦灌田三百餘畝立碑紀事

引羅渠在羅口村光緒八年間成法李中堂等開鑿灌
田三百餘畝

諸鎮

芝田鎮 在縣西南

清易鎮 在縣西

迴郭鎮 在縣西南

黑石渡鎮 在縣西

東站鎮 在縣北即舊遞所後廢為鎮

洛口鎮 在縣東

吾縣向以五鎮稱右列係乾隆間縣鎮概況嗣後洛口黑石渡兩處漸次蕭條而米河焦灣代興迨及清末焦灣又委荼不振乃渡洛膺集於孝義民國肇造兵工廠踵續成立孝義遂巍然巨觀矣至清易鎮則歷久無甚盛衰今之五鎮則以東站孝義迴郭芝田米河為五大鎮

鞏縣志卷六

民政 建置

十四 經川圖書館刊

諸集

舊城內 山小關 小里河 蔡莊 益家窩 羅莊

魯莊 左村 涉村 堤東 夾津口 神堤 石關

自治河 訾店 茶店 孝義 焦灣

諸渡

南河渡 在縣北三里

搖灣渡 在縣東二里

溫家渡 在縣東七里

龍尾渡 在縣西五里

石灰務渡 在縣西八里

莊頭渡 在縣西北十二里

焦灣渡 在縣西十四里

康店渡 在縣西十八里

黑石渡 在縣西二十五里

益家窩渡 在縣西三十里

小訾店渡 在縣西南三十五里

張船渡 在縣西南三十七里

蘇村渡 在縣西南五十里 以上渡
洛水

裴峪渡 在縣西北十六里

神堤渡 在縣北十里

鞏縣志卷六

民政

建置

五

經川圖書館刊

趙溝渡 在縣西北三十五里

金岫渡 在縣東北二十里

洛口渡 在縣東北二十五里

嬰子渡 在縣東北三十里 以上渡
黃河

按邑中諸渡以黑石爲官渡舊設水手八名渡船三

隻旋裁去順治十四年知縣張好奇專造渡船利濟

積久弊生行旅病之知縣多時琦奉大吏檄酌定各

項渡資刊榜曉諭旁建茶亭寺僧董其事乾隆五年

張雷光奉臬司牌飭定價榜示如前自光緒末年隴

海鐵路成無復如從前車馬絡繹官渡之名於焉銷

寂

新政機關

參事會

議事會 均民國元年創設未久罷除

教育局 由勸學所教育會合併改組

財務局 民國元年創設公款局十六年改今名

警察所

保安隊

商務會 均清季創設

實業局

鞏縣志卷六

民政

建置

六

經川圖書館刊

林業局

苗圃事務所 附苗圃在舊城南門外

附桑園四區縣治西一段係官產

東站西一段城守營故地

東站北一段係舊學田

盧醫廟西一段係舊馬道

